

UNIVERZITET U TUZLI
SENAT

Broj: 03-1796-1-1/20

Tuzla, 26.03.2020. godine

Na osnovu člana 52. stav (1) tačka a) Statuta JU Univerzitet u Tuzli, u vezi sa preporukom Ministarstva obrazovanja i nauke Tuzlanskog kantona od 25.03.2020. godine u cilju zaštite zdravlja studenata i zaposlenika Univerziteta u Tuzli i prevencije pojave širenja zaraze corona virusom, Senat Univerziteta u Tuzli na vanrednoj sjednici održanoj 26.03.2020. godine donio je

ODLUKU

**o načinu organizacije i realizacije nastave za vrijeme stanja nesreće
uzrokovane pojavom COVID-19**

I

Naučno-nastavni proces na I, II i III ciklusu studija u periodu od 26. 03. 2020. godine do 30.04. 2020. godine organizira se i izvodi na sljedeći način:

1. Teoretska i praktična nastava u učionici i nastavnim bazama fakulteta/Akademije se obustavlja.
2. Predavanja i auditorne vježbe, kao i dio laboratorijskih vježbi, realizirati će se u vidu eNastave korištenjem kanala elektronske komunikacije.
Zadužuje se Koordinaciono tijelo za davanje smjernica za realizaciju eNastave da do 27.03.2020. godine, na osnovu informacija prikupljenih od organizacionih jedinica, dostavi Rektorici prijedlog servisa elektronske komunikacije koji će se koristiti u narednom periodu.
3. Ukoliko nastava na pojedinim fakultetima/Akademiji, odnosno nastavnim predmetima nije moguća, ista se obustavlja u naznačenom periodu, a nadoknadit će se po sticanju uslova.
4. Nastavnici i saradnici su obavezni podnositi elektronskim putem izvještaje o održanoj nastavi prodekanima za nastavu i studentska pitanja na obrascima koje će do 27.03.2020. godine sačiniti Ured za nastavu i studentska pitanja.
5. Rad studenata kroz interaktivnost sa nastavnicima i saradnicima putem izrade seminarskih radova, zadaća i drugih oblika predispitnih aktivnosti (osim parcijalnih ispita) će se vrjednovati u skladu sa silabusima nastavnih predmeta.
6. Saradnici su obavezni učestvovati u pripremi i realizaciji eNastave u dogovoru sa predmetnim nastavnikom, kao i obavljati konsultacije sa studentima elektronskim putem.
7. Nastava iz tačke 1. ove Odluke, kao i eKonsultacije realizirat će se, u pravilu, u skladu sa važećim rasporedom nastave i konsultacija.
8. Zaduje se Ured za nastavu i studentska pitanja da, po proglašenju prestanka stanja nesreće, sačini prijedlog izmjene Odluke o kalendaru organizacije nastave i ispita za akademsku 2019/20. godinu.

9. Ispiti za studente u statusu apsolutenata i imatrikulanata odgađaju se do 30.04.2020. godine.
10. Odbrane diplomskih radova/magistarskih radova/doktorskih disertacija odgađaju se do 30. 04.2020. godine.
11. Sjednice Senata, Naučno/umjetničko-nastavnih vijeća i drugih tijela fakulteta/Akademije Univerziteta odvijat će se putem e- sjednica, uz razmatranje isključivo materijala hitne prirode.
12. Preporučuje se studentima da se za vrijeme realizacije eNastave posvete učenju, pripremanju ispita i konsultacijama sa nastavnicima i saradnicima elektronskim putem.
13. U periodu iz tačke 1. ove Odluke reducira se komunikacija Studentskih službi sa studentima na način da student telefonskim putem/elektronskim putem podnese zahtjev za izdavanje odgovarajućih potvrda i slično iz evidencije studentske službe.
14. Rad zaposlenika Univerziteta u Tuzli bliže će se uređivati odlukama kolegija Rektora, a u skladu sa odlukama Kriznog štaba Ministarstva zdravstva TK.

II

Zadužuju se dekani i prodekani fakulteta/Akademije za realizaciju nastave iz tačke I ove Odluke.

III

Odluka stupa na snagu danom donošenja i dostavlja se Ministarstvu obrazovanja i nauke Tuzlanskog kantona.

III

Stupanjem na snagu ove Odluke prestaju se primjenjivati Zaključci Senata broj: 03-1640-1-1/20 od 13.03.2020. godine.

DOSTAVITI:


1x Dekanima fakulteta/ADU

1x Centru za osiguranje kvaliteta i internu evaluaciju

1x Ured za nastavu i studentska pitanja

1x Ministarstvo obrazovanja i nauke TK

1x Senat



PREDSJEDAVAJUĆA SENATA:

Nermina Hadžigrahić
Dr. sci. Nermina Hadžigrahić, red.prof.